



## ტყიბულის მუნიციპალიტეტის საკრებულო

### დადგენილება №5

2019 წლის 28 თებერვალი

ქ. ტყიბული

„ტყიბულის მუნიციპალიტეტის 2019 წლის ბიუჯეტიდან განსახორციელებელი  
მუნიციპალური სოციალური პროგრამისა და სოციალური დახმარების გაცემის წესის  
დამტკიცების შესახებ“ ტყიბულის მუნიციპალიტეტის საკრებულოს 2019 წლის 25 დეკემბრის  
N 75 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე  
მუხლის მე-2 პუნქტის და „ნორმატიული აქტების შესახებ“ საქართველოს ორგანული  
კანონის მე-20 მუხლის შესაბამისად, ტყიბულის მუნიციპალიტეტის საკრებულომ

დადგენილების შეტანის თაობაზე

#### მუხლი 1.

„ტყიბულის მუნიციპალიტეტის 2019 წლის ბიუჯეტიდან განსახორციელებელი  
მუნიციპალური სოციალური პროგრამისა და სოციალური დახმარების გაცემის წესის  
დამტკიცების შესახებ „ტყიბულის მუნიციპალიტეტის საკრებულოს 2018 წლის 25 დეკემბრის  
N75 დადგენილებით ([www.matsne.gov.ge](http://www.matsne.gov.ge). 28/12/2018 წ. 190020020.35.125.016341.)  
დამტკიცებულ დანართი 1-ში შეტანილ იქნეს ცვლილებები.

1. დანართის მე-6 მუხლის მე-5 პუნქტი ჩამოყალიბდეს შემდეგი რედაქციით:
  5. ტყიბულის მუნიციპალიტეტში რეგისტრირებულმა მრავალშვილიანმა ოჯახმა, რომელსაც ჰყავს 4 და მეტი 18 წლამდე ასაკის შვილი, მერიაში უნდა წარმოადგინოს:
    - ა) განცხადება მერის სახელზე ;
    - ბ) მშობლების პირადობის მოწმობის ასლები;
    - გ) ბავშვების დაბადების მოწმობის ასლები;
    - დ) ბავშვების რეგისტრაციის ან სამახსოვრო ბარათები;
    - ე) განმცხადებლის საბანკო ანგარიშის ნომერი;
    - ვ) ამონაწერი სოციალურად დაუცველი ოჯახების მონაცემთა ერთიანი ბაზიდან.
2. დანართის მე-6 მუხლის მე-8 პუნქტი ჩამოყალიბდეს შემდეგი რედაქციით:

„8. მარტოხელა მშობლის ყოველთვიური ფულადი დახმარება განისაზღვრება თითოეულ ბავშვზე 50 (ორმოცდაათი) ლარის ოდენობით.

**3. დანართის მე-11 მუხლის პირველი პუნქტი ჩამოყალიბდეს შემდეგი რედაქციით:**

1. ქვეპროგრამა ითვალისწინებს ტყიბულის მუნიციპალიტეტის ტერიტორიაზე რეგისტრირებული მოქალაქეების სამედიცინო მომსახურების თანადაფინანსებას:
  - ა) სოციალურად დაუცველი ოჯახების მონაცემთა ერთიანი ბაზიდან 0-დან-100 001-მდე პაციენტის გადასხდელი თანხის -40 %
  - ბ) სოციალურად დაუცველი ოჯახების მონაცემთა ერთიანი ბაზიდან 100 001-ქულაზე მეტი, ან ოჯახი არ მონაწილეობს სოციალურად დაუცველი ოჯახების მონაცემთა ერთიან ბაზაში ან შეწყვეტილი აქვს შეფასება - პაციენტის გადასახდელი თანხის -20 %.
- არანაკლებ 100 (ასი) ლარისა და არაუმეტეს 1000 (ერთი ათასი) ლარისა.

**4. დანართის მე-11 მუხლის მე-2 პუნქტი ჩამოყალიბდეს შემდეგი რედაქციით:**

2. სამედიცინო მომსახურების მისაღებად ბენეფიციარმა მერიაში უნდა წარმოადგინოს:
  - ა) განცხადება მერის სახელზე;
  - ბ) განმცხადებლის პირადობის მოწმობის ასლი;
  - გ) სამედიცინო დაწესებულებიდან გაცემული ცნობა ჯანმრთელობის მდგომარეობის შესახე-ფორმა N100;
  - დ) კალკულაცია;
  - ე) საყოველთაო ჯანდაცვის მართვის დეპარტამენტის მიერ გაცემული საგარანტიო წერილის ასლი(გეგმიური სამედიცინო მოსახურება);
  - ვ) დაბადების მოწმობის ასლი(საჭიროების შემთხვევაში);
  - ზ) შესრულებული სამედიცინო მომსახურებისას ცნობა ან სხვა დოკუმენტი(ხელშეკრულება, შეთანხმება) სამედიცინო დაწესებულებიდან გადასახდელი დავალიანების (გადავადების) თაობაზე;
  - თ) ამონაწერი სოციალურად დაუცველი ოჯახების მონაცემთა ერთიანი ბაზიდან.

ქვეპროგრამა ითვალისწინებს საყოველთაო ჯანდაცვის სახელმწიფო პროგრამით მოსარგებლე პირების იმ სამედიცინო მომსახურების წილის თანადაფინანსებას, რაც არ ფინანსდება ან/და ნაწილობრივ ფინანსდება სჯდსპ-ით.

ამ ქვეპროგრამით ისარგებლებენ მუნიციპალიტეტში რეგისტრირებული სხვადასხვა კატეგორიის ბენეფიციარები, მათ შორის იძულებით გადაადგილებული პირები.

**მუხლი 2.**

დადგენილება ამოქმედდეს კანონმდებლობით დადგენილი წესით გამოქვეყნებისთანავე.

საკრებულოს თავმჯდომარე:



ნატალია კობახიძე